

愚

齋

存

稿

愚齋存彙卷第四十目錄

電報十七

江督劉峴帥來電

東撫袁慰帥來電

又

鄂督張香帥來電

江督劉峴帥來電

寄江鄂劉張兩帥

寄福州許筠帥善將軍

寄江督劉峴帥

寄福州許制台善將軍廣州德制台江甯劉制台武昌  
張制台

江督劉峴帥來電

又

又

又

寄江鄂東三帥

寄西安端午帥

西安端午帥來電

福州善星源將軍來電

鄂督張香帥來電

又

李中堂寄江鄂二督帥電

東撫袁慰帥來電

鄂督張香帥來電

又

保定廷護院來電

李中堂寄張香帥電

江督劉峴帥來電

鄂督張香帥來電

福州善將軍來電

福州許筠庵制軍來電

鄂督張香帥來電

江督劉峴帥來電

西安馮仲梓方伯來電

寄江督劉峴帥鄂督張香帥東撫袁慰帥

東撫袁慰帥來電

鄂督張香帥來電

寄江鄂劉張二帥

濟南袁慰帥來電

又

鄂督張香帥來電

又

寄濟南袁慰帥

寄西安馮仲梓方伯

西安馮方伯來電

李中堂寄鄂督張香帥電

濟南袁慰帥來電

又

江督劉峴帥來電

又

寄江督劉峴帥鄂督張香帥東撫袁慰帥

鄂督張香帥來電

李中堂寄俄京楊使電

寄東京李星使

濟南袁慰帥來電

寄江鄂劉張兩帥

慶親王致李中堂電

慶親王致各省督撫電

鄂督張香帥來電

又

又

寄江鄂川三督帥



愚齋存彙卷第四十

電報十七

江督劉峴帥來電

光緒二十六年八月初四日兼致李中堂

事機萬緊迄無辦法焦急莫可言喻兩公可否來甯面商共籌補救無任感盼本擬來滬就教因謠重未敢出省祈諒並望電復

東撫袁慰帥來電

八月初四日兼致李中堂劉張兩帥

山窮水盡勢難再戰然隨扈諸公意見難知慶榮甚孤未必能主九重驚恐之餘想無定見宜趁此由各督撫聯名會奏痛陳艱危冀可以多許勝

少許堅迴。聖衷且各國以救使勦匪爲詞。現使已救而匪仍未勦。晉直遍地皆匪。晉又多殺教士。洋兵犯晉。並分擾各省。均在意中。晉不保。秦必難支。各省之餉源必竭。偏安之局必亦難成。縱使幸成而經營締造何所取資。至宗社陵寢八旗子弟兩宮豈忍遽棄而億萬生靈久沐高厚。又詎忍任其塗炭。奏懇早定大計。迅圖轉圜。上慰列祖列宗在天之靈。下慰億兆蒼生之望。乞酌採。

又

八月初四日

迭有人傳說此次激衅由於各國請歸政之謠亦  
早有所聞議款內如能先將不干預其家事一節  
聲明他事當易就緒請密達傅相

鄂督張香帥來電

八月初四日兼致李中堂劉峴  
帥袁慰帥

西幸旬餘尙無辦法誠恐大局潰決補救之法似  
不外迅與議約榮相幸在保能電留之否慶邸大  
約隨扈如允派慶太原到保至速須八日傅相據  
各國由日本電馳奏到一行在尙早復旨亦遲  
各國旣無停戰之語德兵大至任意橫行各國效  
尤愈難收拾此時有何補救良策誠計面詢日本

外部商云已照李使所言具奏電線久斷奉旨  
須旬餘屬各國少候或兼向英美德商或別有辦  
法如有急應上陳之事或一面聯銜電奏驛奏統  
請傅相岷帥慰帥速籌見示卽請傅相主稿電示  
當與諸帥公同商妥速行再 聖駕初六日到太  
原則電陝轉晉不過四五日較驛遞爲速祈酌  
江督劉岷帥來電 八月初四日

致英領電甚妥已電商鄂得復卽發電仍望台端  
聯絡英領從旁歆動以期有濟日踞廈門是瓜分  
已萌芽 兩宮倉皇西幸山陝尙未定一時何

能有 諭旨事機萬緊傳相於意云何

寄江鄂劉張兩帥

八月初四日

頃接小田切急函云聞廈門文武大官送書倣國兵船云請速向口外開去等語此事甚不可深恐南方局面從此糜爛亟卽與諸帥密商急電廈門文武官員以免啟衅若遲一日必有意意外之變倣國政府之意爲貴國大官所熟悉倘不以此小事誤大局則幸云乞飛電許制台延道台宜鎮靜暫候調處勿開衅端

寄福州許筠帥善將軍

八月初四日

頃再接小田切函云已電外部俟復到再聞並云兵船

愚齋存彙

卷四

電報十七

三

恩補楊蔭昌

不能無故登岸如須查悉實在情形商辦亦可仍請妥  
護福州領事商民以免多事等語已復照辦應請尊處  
迅派明幹大員馳往確查再行商辦並就近函知福領  
事一面嚴飭廈道仍妥爲保護廈門領事商民切勿稍  
有疏忽以免匪徒乘機多事至禱

寄江督劉峴帥

八月初四日

奉兩支電面商傅相以各國意皆變只有應著絕無布  
子初八候 批旨方能再電各外部拳頭皆隨 西幸  
著著亂子榮相到保旬日無一要電可想而知宣雖與  
傅相日見一面向對愁城無策可畫香帥慰帥又擬會

奏然只可請香帥主稿矣

寄福州許制台善將軍廣州德制台江甯劉制台武昌  
張制台

八月初四日

頃小田切函開確聞二十九匪徒燒燬敝國本願寺經  
兵船派兵保護領事府詎民情洶洶再有釀事之狀兵  
船不得已迭派兵丁登岸保護商民等語查敝國商民  
在厦不少地方官不能保護周到致匪徒放火燒寺派  
兵登岸實不得已此時貴國文武官員如硬求退兵恐  
開衅端務請閣下速電閩省大員並達李劉張三帥退  
兵一節相機辦理此時無須硬求方能維持局面以上

係弟私見未知外部之意如何等語乞速酌飛電廈門  
提道暫以靜鎮處之恐一開衅不僅全閩有礙

江督劉峴帥來電

八月初五日兼致李中堂及各  
省將軍督撫

頃山西臬司冬電

皇太后

皇上二十七到

陽高縣約初六七到晉省隨扈端莊慶肅四邸澤  
溥定三公倫肅兩貝子剛趙英三大臣餘未悉帶  
兵未知確數毓帥奉旨扼守固關李護院赴北  
迎駕京中留守未知何人榮崇由定來文卽日督  
隊到晉京餉解行在聖躬均安云云  
又八月初五日兼致李中堂張香帥



杏翁微丑電悉敝處現接達道斌十五日京發函  
都城危迫榮無策迭次陳奏未能挽回 慈意  
欲戰係由王公激成 上則始終主和議今事亟  
主戰諸王公及近仁輩皆垂頭不語畏懼萬分拳  
匪十逃六七惟有議和一策迄無消息等語觀此  
似尙可望轉圜請香帥速擬奏見示遲則無及切  
禱

又 八月初五日

兩支電悉此事關係東南安危大局亦以此爲樞  
紐已切電許延靜候調處萬勿開衅

又八月初五日兼致李中堂張香帥袁慰帥

慰帥支電悉京陷半月迄無辦法各國紛議謂中國已無政府德續調重兵英調兵駐滬日在厦尋衅各佔先著伺隙而動一國開端分裂立見秦晉偏僻何能久存慰帥所言實爲篤論目前計惟有速結尙可弱而不亡若德兵到華不可救藥矣可否由中堂領銜電約各省會奏聯名愈多愈好電由陝撫馳奏請旨倘允轉圜議款一線生機香帥有何卓見祈速示

寄江鄂東三帥

八月初五日

傅相擬候初三摺片批回查添使勦匪卽香帥擬奏三  
事之二目下疆帥所可公言者一請慶邸速回京榮相  
留保定卽爲留守便宜行事一請傅相北上會同慶榮  
議款並先接直督卽將在直主客各軍統歸節制責成  
勦匪方能說到停戰一請暫駐蹕太原不必再行入陝  
頒 詔中外宣明啟衅緣由倉卒 西幸俟款成匪靖  
仍卽 回鑾各督撫應各守疆土如有匪徒藉端蠢動  
卽著勦辦另片請將誤信邪匪致釀國難諸臣分別處  
分以謝天下此所謂盡其在我者方能與人啟齒否則  
德俄兵將大至分裂定矣聞各國將自議條款不認傅

長安不與  
卷四  
相全權者磨我日月待兵力足時內外皆不能不屈  
從德使到滬數日不進京欲另立武功山東尤危

寄西安端午帥

八月初五日

洋兵已踞良鄉將攻保定現尙添兵不允停戰聞其意在肇亂諸公非爲追襲乘輿有人誠爲釜底抽薪之計請先自議處免致由彼迫脅並可阻止西犯公能會銜否乞密示轉致線路可先通介休餘須候料

西安端午帥來電

八月初五日兼致各省將軍督撫

頃接陝駐太原二十八探稟今日懷來縣發來滾單扈蹕王公大臣係端莊慶肅四王澤溥定三公

倫肅二貝子剛相趙尙書英侍郎晉護撫李二十  
九起節迎 鑾又陝頃接榮崇咨出省恭迎 聖  
駕隨帶米麵暨各種食物並僱辦潔淨肩輿駝轎  
多乘敬供 御用且恐內帑不敷暫將陝解京餉  
等銀十一萬兩儘解 行在各等語謹先電聞

福州善星源將軍來電

八月初五日

電示顧全大局盡慮初感兵非無因而至詎能猝  
退此際惟求地方官好爲處置或可相安無事弟  
已再三商之許帥嚴爲電飭派員能否得人亦殊  
難料福州刻甚相安保護仍當盡力小田切如詢

請囑勿遠慮

鄂督張香帥來電

八月初六日兼致李中堂劉峴帥袁慰帥

前日德領事祿理瑋照會奉政府電德兵只爲防  
讐害洋人及佔權之臣各省督撫若能保地方平  
安願仍敦睦誼等語昨德領事來晤云將赴滬謁  
德新派欽差有何要語可代致洞云望其勸德新  
使早日開議祿云 聖駕已行此事難議須請回  
京方好議洞云駕赴晉陝恐難遽還何不卽與全  
權大臣李相議祿云李全權是端王所派各國恐  
不願與議聞李是端黨洞云此大誤矣李相領銜

會督撫奏請勦匪救使六七次見解明與端不合  
且李相之全權實係東南督撫十人會奏請派

旨遂允准祿聞此語爽然曰若李之全權係東南  
督撫所奏請各國可與議洞云西例有地主則可  
議李相係實缺直督順天直隸皆直督轄 聖駕

雖遠順直現有地主何爲不可議祿無說洞云李  
相已奏請添派慶邸榮相同議冀有親臣易於邀  
允祿云榮軍攻使館洞云榮力諫開衅曾苦奏七  
次拳匪太多各軍皆有武衛中軍新募人雜其中  
難免有通匪妄爲者實非榮意祿繙譯官云榮部

下軍豈不能管洞云拳匪勢熾挾制 朝廷 諭  
旨尙有患在肘腋 朝廷種種爲難之語祿云兵  
多約束不到事亦有之洞云山東袁中丞明事理  
能勦匪貴欽差諸事可與袁商辦必於彼此有益  
祿云德員在山東因鐵路事屢與袁商又云中國  
大員明事理者能多幾人就好了語氣似尙好祿  
云貴部堂所談各節能逕與德新使通函電詳說  
更好德新使可與各國商等語此時要在先認全  
權先認地主渠既有督撫公舉可認之說不知可  
信否地主亦須極力自任可否卽由傅相將此意



探詢德新使謹飛達餘續陳示復

又

八月初六日恭致李中堂劉峴帥袁慰帥

昨歌電德領事照會云云係撮上海德總領事暨漢口德領事函電大意簡略過甚恐失語氣茲將原電原函照錄詳達上海德總領事克納貝七月二十七日來電云本月二十三二十四等日接准來電均已轉電本國外部茲奉電復現在德國於中國舉事僅爲保護德人暨防北京佔權之臣並其同黨蓋因此次開衅係伊等之罪本國與平民並無異心南方各督撫若不開端失和本國亦敦

睦誼等語合將此電轉致以慰貴部堂廬念也等語又克總領事七月三十日來函云現有本國水師提督抵滬承而屬云本提督來滬之意不過爲自己察看情形該礮船不久卽入長江並謂本提督甚喜各督撫與各國共敦睦誼以致長江一帶近來均甚平靜本提督將來亦願照此辦理至於礮船入長江一事亦只爲和睦之意並幫助本國駐漢領事等語又漢口德領事祿理瑋八月初三日來函頃奉本國駐滬總領事札飭本領事告知貴督部堂本國政府之意甚不願在中國起衅卽

北方開戰不過防在京佔權之臣及其同黨而已  
本國新簡駐京欽差大臣現已蒞滬本領事擬明  
晚附輪前往謁見面陳要公如貴督部堂有緊要  
事件必需代達者本領事定於明日渡江趨教面  
請指示等語特詳達請體察詞意是否可信以便  
速籌

李中堂寄江鄂二督帥電

八月初六日

頃接駐俄楊使歌電自聞洋兵內犯車駕蒙塵  
心膽俱裂連日奔走外戶兩部力籌挽救均稱事  
已至此實乏良策刻下北京與主謀各武員便宜

行事勢難遙制其意蓋因屢次代我設謀均未照辦不免快快也嗣經迭次懇商並告以我深知中俄邦交有逾歐美無如華洋各報議論均言俄心叵測隱圖中原我甚惡之此次進兵本爲救使今已保全俄兵何妨先撤以作榜樣全兩國數百年交誼慰中國數百萬人心以示實憑而籍眾口反復勸解彼意稍動始允設法轉奏頃據面告俄主已允卽日將兵隊公使人民一并撤至天津以示真心見好至東省之事鐵路有公司承當將帥謂中國懲辦俄決不據尺寸土地飭詳告貴大臣此

係勉副傅相與閣下再三之請切勿誤爲畏怯一面速請 太后 皇上回京或先迅派台例全權議事遲則恐德帥到華別有舉動並請傅相與南省督撫之負民望者會奏辦理等語戶部辦事明決肝膽照人俄主言聽計從外部不稍掣肘此絕大轉機不可再誤倘各國均肯照辦京師必須妥籌鎮守萬一民變復作予黎更遭塗炭且又與人以可乘之機不可不慮乞轉峴香諸帥通籌迅速奏辦儒叩三十電遵轉羅北京留守確知何人並示云據此確是轉機請峴香二帥酌奪由香擬

稿電由鴻轉電陝撫由驛六緊代奏自請 兩

宮回京摺內軍參活筆迅派合例全權議事鎮守  
無逾於慶榮但恐未必遽回耳乞速籌復

東撫袁慰帥來電 八月初六日

頃接保定信初二崇公自縊宋祝帥是日赴太原  
榮相擬初六七赴 行在云

鄂督張香帥來電 八月初六日兼致李中堂劉峴帥袁慰帥

歌電想達聞西例國君不在京便是無主之國任  
敵兵施爲若留有大臣求和雖坐於瓦礫之上猶  
可開議傳相旣奉全權大臣之 旨是留有大臣

求和也傅相係直督是已奉 旨留爲地主也此時惟有傅相速發電札多件飛馬寄保定請廷方伯代繕代印徑發通省一係札飭順直兩司各道府州縣各盡職守照舊辦事不准擅離不准縱匪擾民曉諭居民辦團防匪勿得廢弛耕種自相驚擾一係札飭各營統領凡在順直境者無論本省兵外省兵 聖駕旣行榮相若赴晉傅相旣爲北洋大臣又係全權大臣均應暫歸節制各軍駐營何處現有幾營餉械是否有著據實飛稟當爲酌核奏明辦理嚴禁搶掠焚殺逃潰一係札飭各軍

統領暨順直兩司各道府州縣遵 旨勦匪凡聚  
眾抗官者糾夥焚殺者卽係土匪官軍民團均卽  
勦捕格殺勿論並須咨明廷護督及榮相崇公亦  
發電託其代繕咨廷者託臬司代繕並加密電言  
明此乃自任地主冀可杜外人無主之說以便催  
其開議乃不得已之舉並非欲遙干其權婉切言  
之榮崇亦庶可不忍若我稍存有地主局面傳相  
執定卽係留直議款大臣總有數分益處總之此  
舉振畿輔殘軍之勢收畿輔難民之心乃我本分  
應辦之事祈裁酌速辦示復



鄂督張香帥來電

八月初六日兼致李傅相劉袁二帥

杏翁歌電悉請將釀禍者處分謝天下一節疆臣不敢言惟傅相全權尙可言耳請降 明旨一節必應加入各省交涉事件仍遵前 旨及條約辦理請駐太原一節尙須酌鄙意擬請傅相設法與現到滬之德新使晤談照敝處歌電婉達其是否肯認爲全權速示再籌總之第一節不能言總無辦法

保定廷護院來電

八月初六日

兩宮倉猝西狩二十一出居庸由大同幸晉

榮相述扈從爲慶禮端莊四邸剛相及懷趙二尙  
書董馬兩軍門留守十二人惟徐相在京瀾公在  
香山旂營榮相崇公來保崇公月朔自縊榮相擬  
奔赴行在現奉廷寄與傅相會商和議恐不  
克行初二晉撫致榮相函述二十三軍機大臣字  
寄奉 上諭朕暫奉 慈輿巡幸山西著通諭  
初五又接陝電 兩宮二十三駐懷來縣二十  
四駐鷄鳴驛等語計程約望前抵太原電線無桿  
修通以及鐵路料廠兵力實難顧及爲歉洋兵入  
後焚禁城壇廟殺戮甚慘世變至此雍每不欲生

惟因任重不得不奮勉支持二十四接護督篆省城附近雖無敵氛而潰勇劫掠地方拳匪仍多嘯聚實糜爛不堪矣幸傅相來電不日赴津已遣人相送

李中堂寄張香帥電

八月初七日

語電代籌各節思慮周密悉協機宜洵是當官之責奚敢諉延已電廷護督照辦至德新使尙未來晤或有成見不便先施俟晤時自當詳切開導鴻候批旨回俄使有到津確音卽航海往晤各國皆注重縱庇拳匪亂兵之人和議必難就緒

江督劉峴帥來電

八月初七日兼致李中堂張香帥

俄允先撤兵至津並聲明不佔土地確係一大轉  
機請速辦奏至回京一節固宜斟酌但須將外人  
尊敬 兩宮意切實叙明冀動慈聽若輩無從  
阻撓香帥酌之各國能否以俄意欲動香帥語電  
各節均是應辦之事危急至此未可拘泥統祈中  
堂卓裁

鄂督張香帥來電

八月初七日兼致李中堂劉峴帥

俄肯先撤兵甚好全權議事鎮守自是慶榮惟鐵  
路有公司承當一語未解祈明示至請 駕回京

萬難遽允且恐政府動疑楊電已參活筆只可聲  
明此據外部語轉陳側重在迅派全權議事鎮守  
之人雖請派慶榮務須叙明會同傅相以免誤會  
此事不可自謙誤事也請傅相主稿迅速電示以  
便酌陳管見由傅相核定陝驛奏峴帥及洞自必  
列銜此外督撫將軍請傅相酌若告撤兵請派議  
願列銜者必多傅相似可發簡電知會各省或謂  
請暫駐太原距京較近但晉糧極貴拳匪極多運  
道艱電報梗種種不便地主又別有見解奏報供  
億俱不如陝故留晉幸陝俱不敢請只可敬聽

聖裁總以奉 旨捷速爲第一義各國允辦議後  
方敢籌計駐蹕之所此層並請裁酌

福州善將軍來電

八月初七日

日外部順情順理頃洋務局楊道亦與豐島議明  
暫不撤兵此事本難諉過外人設非我公碩畫詎  
易消弭無形此後盡力保護貴在得人弟不便越  
俎頃延道來電民心已稍定仍再三致囑免蹈前  
轍漳案亦派查情形尙輕閩人好造言易致外人  
生疑請告小田彼此總當照約同維大局也

福州許筠庵制軍來電

八月初七日

厦事荷維持深感陳道明日赴厦據楊軍門電復  
靜候商辦矣

鄂督張香帥來電

八月初七日兼致李傅相劉督帥

駐漢英領事亦有照會云奉外部電將來議結之  
時至於本國國家必向兩江湖廣二位督部堂請  
詢意見若何本國國家亦必以二位督部堂之意  
爲重等語並附有外部洋文電底細譯洋文語意  
似係因我兩人保護長江特先告我將來議結英  
國不肯撇開我兩人容我等亦發議論以願我等  
局面堅我等保護之心並非此時專欲我兩人主

議也然此意卽甚好自不宜推卸留爲後日說話地步此時最急者停戰開議茲擬一會銜電復上海英總領事其文曰甯漢英領事函稱照得奉貴總領事及貴國外部電將來議結之時貴國國家必向兩江湖廣二位總督請詢意見若何國家必以江鄂兩督之言爲議並附外部洋文電底等因具見貴國敦睦誼顧大局安靖長江之意曷勝感謝查北方匪亂以來長江各省貨滯商虧中西商民同受其害北京警信後人心震動各處哥老會匪藉保國爲名紛紛起事擾亂焚殺搶掠雖經三



江兩湖各省派兵勦辦查拏而和局一日不定人心一日不靜商務愈難振興英在華通商五十餘年沿江沿海始有此繁盛局面若非英國倡首聯同各國趕早調處設或匪擾愈甚必將各埠攪壞卽如天津情形恐非數十年不能興復查甲午中東之役英國不肯早作調停致落人後此時俄勢甚熾德大隊將到固知英國必不願中國分裂但恐遲疑觀望事變百出長江之局江鄂極力維持若久不停戰以致各省匪徒乘機四起全局糜爛塗炭生靈徒遂中國瓜分之計知必非英國之本

願也夫兩國交戰彼此勢均力敵則大勝之後或不肯遽然停戰今以七八大國之強敵一中國雖停戰數月實亦無礙素知英國不利我土地而重商務且承外部厚意詢及江鄂兩督意見故極願密布腹心美日之意似與貴國相同卽他國文電其語意亦皆不願決裂鄙意謂此時但患無倡議者耳望貴總領事電達貴政府外部速商美日兩國倡議停戰邀請各國速派全權與李傅相卽日開議實感睦誼並請向外部道謝仍盼電復劉坤一張之洞同電等語請峴帥斟酌應增應減應改

統請裁定卽發不必再商

江督劉峴帥來電

八月初九日兼致李中堂張袁二帥

鄂兩庚電悉初以

兩宮西幸慮彼輩復撓款

局故擬各省會請早定大計今中堂已奉懷來所

發 廷寄飭令迅籌轉圜又有 旨令榮幫辦日

內中堂奏請加派全權摺亦必邀准再將俄願撤

兵奏聞並請 旨飭各省照常辦事是目前要義

已盡此外暫難議及至於如何議款不外喫虧二

字似須候外人發議本係由我先行陳請現在總

以設法開議爲亟鄙見如此尙祈卓裁

西安馮仲梓方伯來電

八月初九日

聞派慶邸榮徐相馳赴保定候李相北上會商和約李相何日起程由何路行乞電復

寄江督劉峴帥鄂督張香帥東撫袁慰帥

八月初九日

峴帥庚電德兵將至猛謀難測詢設法預杜昨德新使繙譯葛爾士來晤謂德主英武必欲換一班政府則諸事可商傳相全權端所派不能認詰其何所據則云並無 皇帝印文總署係端總辦昨傳相奉懷來所發廷寄昨已派榮祿徐桐崇綺留京辦事恐未能遽與開議該大臣卽迅籌辦法爲 國家捍此大患朕不勝翹

盼等語傳相覆奏仍催添慶榮臣卽赴津京相機會同  
商議云慰帥支電香帥庚電請各省合詞會奏早定大  
計似不必分條目亦不妨重複以見詢謀僉同 朝廷  
似無成見但非挑撥不動耳楊運司江電隨扈諸公惟  
王相落後失散云俄請派合例全權恐 行在無熟悉  
西例者會奏中可否提及乞酌

東撫袁慰帥來電

八月初九日

香帥庚齊各電均拜悉添派全權保疆安民退兵  
回鑾已得辦法要領但必須各國皆允退兵始  
可議及 回鑾至勘匪一節似非含糊支吾所能

了事又必須明降 諭旨聲明拳匪脅制政府挑  
衅友邦圍攻使館戕害使臣恣意焚殺生靈塗炭  
各罪迅飭各督撫調派營隊分投勦辦冀可抹去  
前案與各國開議有詞頃奉二十六日 明諭已  
另電內有前據劉張等奏沿海沿江各口商務照  
常如約保護今仍應照議施行以昭大信等語與  
交涉照常意相合此外實在辦法或不可言或不  
能行姑難應命

鄂督張香帥來電

八月初九日

鐵廠洋員全數求去究因何故恐鐵路及各局廠

洋員相率效尤牽動全局關係極大務請速查明  
情由設法勸阻會匪恫喝煽動之言萬不可聽若  
各國有何秘謀亦望速示近日謠傳各國議南北  
四路追拳匪想係憤激之詞或不至此盼卽復

寄江鄂劉張二帥

八月初九日

峴帥佳電以開議爲亟頃日本外部電仍詢添派全權  
允否深恐慶邸不願承當各國以傳相權力不足諉爲  
不合例仍難開議各帥能趁此時會請得派慶榮事乃  
有濟否則恐專添兩帥耳

濟南袁慰帥來電

八月初十日

頃接徐頌閣等二十三人初一日來書請電催傅相速赴京函內有 慈聖出居庸關西幸未知

皇上駐蹕何所或云在宮乾清門堅閉 廟

社宮闕尙未震動等語乞設法確探

又 八月初十日

合詞奏陳頗有關係然香帥不願峴帥因亦罷論奈何疆臣旣無力恢復又一無建白後人其謂我何

鄂督張香帥來電 八月初十日兼致劉袁二帥

頃敝處軍銜致上海德國駐京欽差穆大臣電云



昨漢口祿領事來見謂貴大臣已抵滬當卽面告一切領事云如鄙人有意見可徑達尊處查自北方亂匪滋事敝處迭接柏林呂星使及上海德總領事來電均謂貴國外部云貴國深知我

兩

宮爲難並無他意各省督撫若不開端失和貴國願敦睦誼貴外部又云李中堂各國素所信服均盼早日北上各等語又接貴國亨利親王來電傳述貴國大皇帝意旨亦甚平和具仰貴國大皇帝寬厚爲懷曷勝敬佩茲又特派貴大臣來華續修前好益見敦睦之誠尤爲欣幸惟望貴大臣上體

貴國大皇帝之德意下念中國良民之無辜卽日  
倡議停戰聞英俄日美四國均有此意若貴國倡  
議定必允從查此次北方匪徒滋事害及貴國使  
臣開罪各國實出我 兩宮意外我 大皇帝  
已致國書婉謝並早派李中堂爲全權專候各國  
停戰開議近日滬上洋報多有毀謗中堂者此悠  
悠之口均不足信查自起事之初李中堂卽屢次  
力奏保使勦匪與沿江沿海各督撫意見相同故  
各督撫聯名會奏請派李爲全權奉 旨允准洋  
兵入京後中厯七月二十五日又奉 特旨派李

爲全權催其迅與各國籌辦是李中堂確係我  
朝廷所特派且係沿江沿海督撫聯名奏保者毫  
無可疑此時若再遲疑不與李議似與貴國初心  
不合且洋兵入都大旨有二一曰救使一曰勦匪  
今洋兵已入京各使已出險拳匪亂兵已逃散四  
方若再窮兵黷武天下騷然一日不停戰則各省  
人心一日不定何所底止雖曰勦匪而真匪未必  
可獲良民實受其害況我 兩宮此次蒙塵西  
幸艱苦備嘗直隸一省數千里之內亂匪亂兵焚  
殺劫掠流離失所者不下數十萬戶中國所損實

已多矣貴國又何忍延及他省乎務望早日倡議  
停戰與李中堂開議俾中國自行從容勦捕真匪  
以謝各國爲禱再山東袁撫台保護洋人最爲實  
力亦與各督撫同心亦望貴大臣於山東諸事與  
袁和衷商辦當能彼此有益十數年來鄂省辦事  
所用洋人德人最多故深知貴國人慷慨仗義又  
承貴國亨利親王不棄訂爲交好故於貴國之情  
極爲親切際此中國國事孔艱調停一切惟貴國  
是賴用敢縷陳尙希鑒察示復湖廣總督張之洞  
初一日等語特奉達

又八月初十日

此時以開議爲最急各國不開口我何從知其最  
注意之所在小田述日本外部電專言須

兩

宮回京方可辦事尙是飾詞德新使繙譯葛爾士  
旣與台端相見盍諷該繙譯力勸德新使與傅相  
相見切告以見解與端迥異有屢奏勦匪可證今  
晨敝處致德新使電已錄呈大意言傅相全權係  
由各督撫奏請奉 旨且又於七月二十五日奉  
特旨派全權似無不合例之處總之德使能見  
面方有轉機彼明說要如何乃肯停戰方有辦法

光緒二十一年 卷四十一  
無論辦到辦不到傳相當可據以轉奏中國君臣  
可籌思應付之法祈速復

寄濟南袁慰帥

八月十一日

徐等來書 皇上或云在宮斷無事俄法美日均肯撤  
兵英潛德狼頃見葛爾士將公竭力維持東事民人與  
鐵路爲難莫不保護屬其轉告穆使葛亦深仰威德傳  
相候 旨卽赴津

寄西安馮仲梓方伯

八月十一日

佳電派慶邸聞於何處確電乞示二十七 諭旨僅派  
榮徐留京傳相初三託午帥繕摺代奏請添派慶榮劉

張批摺必寄陝如午帥出轅請公代拆電滬傳相候此  
旨卽航海赴津

西安馮方伯來電

八月十二日

前電係德探之誤午帥在省傳相批摺如到陝卽  
電二次電摺卦酉繕發

李中堂寄鄂督張香帥電

八月十二日

致德使電明切詳盡足啟愚頑聞該使未奉國命  
又未遞國書故不來拜然於鄙人無尤也現擬節  
後啟程赴津只可俟其北來再與周旋總之卽使  
開議元凶尙在政府亦無辦法奈何初三摺尙未

奉批旨

濟南袁慰帥來電

八月十三日兼致李中堂劉張兩帥

頃接榮相十一日自正定來書謂同崇徐留京係照例事無留守議和字樣擬赴行在免夜長夢多現事已至此總以停戰議和爲急要現在辦法惟有按李相所奏辦理或可轉危否則期於必亡而後已云

又

八月十三日

崑相敬崇裕三尙書等公電已寄呈中堂陳夔龍二十九附書謂赫德稱各國無他意深盼慶邸中



堂往議款即可轉危爲安已聯銜奏請添派慶卽刻回京務催中堂速北上云摺回否甚盼念

江督劉峴帥來電

八月十四日

頃皖撫電保定探報聯兵入都俄兵卽欲焚燒宮闕日本兵官未許旋均請示各國政府皆以保全爲是現在大清門以北一帶皆日本保護並請敬止齋尙書料理 禁城內事 內廷宮監照常服役云

又

八月十四日

頃慰帥轉來榮相眞電支電敬悉刻下總以停戰

議和爲第一急務事已至此斷無異議若再觀望  
遲疑事機則不可收拾矣千乞萬祈並乞轉致李  
傅相爲急要云

寄江督劉峴帥鄂督張香帥東撫袁慰帥

八月十四日

保定真電端莊剛本派留守臨急仍隨扈君側未清到  
晉加毓事更難辦榮初八赴晉宣化有 旨七八道趙  
動筆云

鄂督張香帥來電

兩帥 八月十五日兼致李中堂劉袁

傅相元寒甯鹽濟元電均悉 旨云便宜行事榮  
相函云斷無異議極爲欣慰但恐近臣不知各國

要挾何事耳榮相致慰帥書有云惟有按李相所奏辦理或可轉危爲安不知所謂可照中堂所奏者係指何事祈示總之當道看議和太易奈何

李中堂寄俄京楊使電

八月十五日

各兵不撤 兩宮必不還京左右必多牽掣公眞元兩電奏均極懇切未知可動聽否至會同諸疆帥籲請已將來電轉張劉張以西幸爲然劉亦狐疑其餘尙難與言昨和使自京來密言各使欲請 太后歸政嚴辦端莊剛庇匪諸人始可議和此豈臣子所敢言二十九雖有便宜行事之

旨究亦空文慶榮添派尙未奉 旨榮已赴 行

在外人尙有訾議鴻寶處萬難焦急奚似伊犁已  
加電勸希密轉稷臣

寄東京李星使

八月十五日

慶抵沙河已轉三督榮回 行在想添派必慶 駕初  
六抵大同尙小駐兵若早撤或不遠幸

濟南袁慰帥來電

撫 八月十五日兼致各省將軍督

旨派慶邸回京催李相北上會同議款初六日  
駕仍在大同

寄江鄂劉張兩帥

八月十五日

昨和使由京來滬密告傳相各使欲請歸政嚴辦庇匪  
諸人始肯開議相答以皆非臣下所敢言大約准第二  
節乃可刪第一節達右文所云彼等已畏懼楊藝舫電  
云本派端莊剛留守急而後行似須確探

慶親王致李中堂電

八月十五日

來電悉本爵已奉便宜行事之命與中堂會商和  
局立待開議由海道迅速來京盼切

慶親王致各省督撫電

八月十五日

盛大臣轉各省督撫洋兵進京

兩宮西狩本

爵奉便宜行事

諭旨會同李相議和卽須開議

宗社安危關係重要希嚴飭各屬竭力保護  
在華洋人及教堂教民如有匪徒滋擾立即盡法  
懲治勿任再生枝節致誤大局

鄂督張香帥來電

八月十六日兼致李中堂劉袁兩帥

頃照錄德穆使復電想已入覽頃滬電和使自京  
來密告傅相云云各洋人近日議論揣測之談亦  
不外此惟所云准第二節乃可刪第一節是否確  
有語氣細繹德穆使電語意雖堅強要求雖甚奢  
大約第二節若辦得好或可商刪第一節竊揣自  
洋兵入京各使暢所欲言之後各國頗含忿怒其

情形口氣較七月前似稍變欲圖轉機惟盼俄極力排解日乘機協助俄日究係從前多一番聯絡故與他國稍不同耳楊使託俄勸德俄主若允當可有益鄙意此時各國卽不肯明許開議然彼等志得氣盛亦未必十分秘密旁敲側擊要義自見望傅相速電日李使俄楊使密詢外部並屬人在滬密叩小田詢其最要最難大端言明汝須告我我方好籌商了事之法一面亦電屬羅使伍使密詢英美如俄日真願了事當肯露出最要宗旨我卽可籌備對答之法先與商酌是無開議之名而

有豫行密商之實俄日兩國當可行之請傅相速  
籌酌辦並示復

又八月十六日兼致李中堂劉袁兩帥

頃接駐滬德國新派穆使十五日發來洋文電譯  
其文曰昨接貴部堂本月初三日發來惠電內開  
德國宜先倡議停戰並卽與奉命全權大臣李中  
堂開議辦結事宜云云諸承不棄惠賜直言本大  
臣接讀之下實深感佩惟本大臣尙望長江各督  
部堂恪守前與各國所訂之約實力保護各國亦  
甚願實心保全大局是以我國大皇帝按照英法



兩國辦法特命德國兵一隊駐紮上海以資保護  
至來電所請使北方停戰及開議一節目前本國  
政府實礙難照允如欲辦理此事必俟中國 朝  
廷先將有罪諸人嚴行懲辦本大臣意謂此次事  
變某王及某大臣實爲罪魁必俟中國 朝廷明  
降 詔書切實諭示聲明甚惡既往之事以昭信  
實而保將來如此則始可望有開議之端本國政  
府望中國大局早定之心亦如貴部堂之心同爲  
殷切惟目前大局所繫者卽在各督撫能力任保  
護想貴部堂實力照辦所謂保護者非特指長江

一帶但凡有各國人民及產業之省亦必須保護  
如山東一省尤爲緊要本大臣旣承貴部堂不棄  
將來彼此協力同心必能將中國目前紛擾之事  
辦理妥協使我兩國仍歸於好而百姓得享太平  
之願穆電等語特照錄原電奉覽祈察核可稍知  
德國議論端倪耳

又八月十六日兼致李中堂劉袁兩帥

竊擬一釜底抽薪之法擬各省聯銜遵求直言之  
旨條陳兩事一力劾董福祥大言欺罔通匪開  
衅該軍又不能出外禦侮在京在外縱兵劫掠誤

國殃民請立予罷斥治罪解其兵柄派董部下數  
營官分統其軍歸宋馬節制令駐劄直隸地方附  
一密片言 朝廷如有爲難之處或卽念扈從微  
勞格外從寬交部嚴加議處飭令卽日回提督本  
任至其軍仍派人接統不准帶往一請 明旨痛  
勦拳匪瀝陳拳匪邪教惑人橫開巨衅在直在京  
糾眾藐法脅制 朝廷妄行殺戮劫掠官商行旅  
與髮捻無異畿輔人民恨之切骨罪大惡極若再  
不勦平直隸數千里良民將爲荼毒無遺請飭直  
隸及各省督撫臣各省入衛之軍統兵大員分路

認真勦辦並請諭旨內提明拳匪字樣等語默揣行在情形悔禍懼敵而無解法厭董惡拳而無辦法得各省公疏以爲朝廷助董或可罷拳或可勦且懼禍自危者將歸罪於董以謝外人希冀此外卽可不究亦必力爲贊成董軍散弱則拳匪無依拳匪竄匿則朝廷得行其意此舉實爲安兩宮起見且亦略寓謝過之意於時局不無小補此似是穩著請中堂峴帥慰帥杏翁籌示如可行卽請中堂峴帥主稿領銜再邀各省聯銜以多爲貴盼速示再正發電開據保定十三日探

電 慈聖深惡團民沿路驅散云

寄江鄂川三督帥 八月十六日

濟南電傳相初三 廷寄全權大臣便宜行事大學士  
李鴻章著卽乘輪船來京會同慶親王商辦一切事宜  
毋延欽此慶邸初十已到京

愚齋存藁卷第四十